

Kwa Macho ya Imani

Macho ya mioyo yenu yatiwe nuru, mjue tumaini la mwito wake jinsi lilivyo; na utajiri wa utukufu wa urithi wake katika watakatifu jinsi ulivyo—

Waefeso 1:18.

Sifa ya juu kabisa ya akili haitaweza, haiwezi, kuchukua nafasi ya usahili wa kweli, wa uchaji Mungu wa kweli. Biblia inaweza kusomwa kama vile tu tawi la sayansi ya binadamu linavyoweza kuwa; lakini uzuri wake, ushahidi wa nguvu yake ya kuiokoa roho inayoamini, ni somo ambako halichunguzwi kwa namna hiyo. Ikiwa utendaji wa Neno hauonekani maishani, basi upanga wa Roho bado haujaujeruhi moyo wa asili. Unakuwa umefunikwa katika ubunifu tu wa kishairi. Hisia za mhemko zimeifunika kiasi kwamba moyo haujahisi vya kutosha ubora wa makali yake, kutoboa na kukatilia mbali madhabahu ya dhambi ambapo nafsi inaabudiwa....

Macho ya mioyo lazima yaangaziwe ndipo moyo na akili zitaletwa kufikia mapatano na Mungu, ambaye ni ukweli. Yeye amtazamaye Yesu kwa jicho la imani haoni utukufu ndani yake mwenyewe, kwa kuwa utukufu wa Mkombozi unaakisiwa akilini na moyoni. Upatanisho uliopatikana kwa damu Yake unatambuliwa na kuondolewa kwa dhambi huuhamasisha moyo kutoa shukrani.

Akiwa amehesabiwa haki na Yesu, mpokeaji wa ukweli anabidishwa kujisalimisha kabisa kwa Mungu na anawekwa katika shule ya Kristo, ili kwamba amjifunze Yesu ambaye ni mpole na mnyenyekevu wa moyo. Maarifa ya upendo wa Mungu yanaenezwa kila mahali moyoni mwake. Anatamka, lo, upendo wa ajabu! Wema wa ajabu! Akizing'ang'ania ahadi kuu kwa imani, anakuwa mshirika wa asili ya Mungu. Moyo wake unapokuwa umeondolewa ubinafsi, maji ya uzima hutiririkia ndani yake; kisha utukufu wa Bwana unaangaza toka kwake. Mwanadamu anapodumu kumtazama Yesu, anabadilishwa na kufanana na Mungu.

Kristo anawatazama watu Wake katika usafi na ukamilifu wao kuwa zawadi ya mateso Yake, fedheha Yake na upendo Wake na nyongeza ya utukufu Wake—Yesu kitovu kikuu, ambamo ndani Yake hutoka mnururisho wa utukufu wote.